

江苏海运全案

江蘇布政使賀長齡按察使覺羅慶善蘇松常鎮督糧道宋潢分巡蘇松太道潘恭常詳爲酌籌海運等事照得蘇省本年新漕由海運行自上海派裝商船抵津交兌在南填給執照卽將截存照會飛遞在津交米委員查明比對而按船派米細冊亦須飛咨直省及委員知照其在津委員於各船收口時必應隨時報明蘇省察考一切文報往來在在均關緊要誠恐經過山東直隸兩省各驛站視爲隔省公文並不隨時依限馳遞致有貽誤除飭赴津各委員自起程以後如有發遞回蘇各項文報務於郵封面上註明

海運要件限行字樣外相應具文詳請飛咨

直隸總督部堂通飭有驛各州縣凡遇蘇省往來文

報封面上註有海運要件限行字樣者卽速依限加
緊馳遞毋許遲延並請行知蘇省各驛站一體遵照
實爲公便爲此備由另冊呈乞

照詳施行

道光五年 月 日具詳奉

巡撫部院陶 批仰候分咨

直隸總督部堂查照飭遵仍由臬司行知本省各驛

山東巡撫部院一體遵照毋遲繳

江蘇布政使賀長齡爲據情轉詳事竊海運漕糧原議章程條款內稱委辦候補道府大員每日酌給舟車薪水銀四兩丞倅每日舟車薪水銀二兩佐雜舟車薪水及跟役飯食銀一兩二錢其知縣以上現任之員不給薪水先經本司彙案會同蘇松太道詳奉批准在案茲據海運總局委員李俞二丞督同上海縣詳稱佐雜委員查船兌米及巡查彈壓無分朝暮均需船隻往來原議連船價每日給銀一兩二錢實屬不敷自應另行給予船價復查各委員并量船隻及巡查彈壓等事需用船隻現在按日雇備勻搭牽

算每員每日需用銀四五錢不等今請畫一各加薪
水銀四錢統共一兩六錢由各委員自行雇備船隻
以免零星折價其派在總局辦事不用船隻之各委
員仍照一兩二錢之數支銷以示區別如蒙允准卽
于十二月初一日將已到上海之員一體支給至道
府丞倅大員自應各有坐船不准開銷公項議詳核
示等情到司據此本司伏查佐雜委員薪水本連舟
車盤費每日議給銀一兩二錢今據總局委員具詳
所費不貲議請另給船價統于薪水銀內酌增銀四
錢應否准其加增從十二月初一日起將已到上海

之員一體支給其派在總局辦事不用船隻之各委員仍照一兩二錢之數支銷又道府丞倅大員各有坐船不准開銷公項相應據情轉詳伏候

批示以便飭局遵照再蘇松太道駐札上海不及會銜會印合并聲明爲此備由另冊呈乞

照詳施行

道光五年十二月初七日具詳奉

爵督部堂琦 批據詳已悉繳

總漕部院陳 批據詳已悉繳

巡撫部院陶 批如詳飭遵繳

江蘇布政使司賀 爲據稟飛飭事據蘇州府督糧
同知俞丞松江府川沙同知李丞會稟稱兌米斛手
業由上海豆行內雇定七十名現在尙須招募擬足
百名之數方敷應用倘臨時再有不敷卽令各該縣
隨帶斛手幫同照料惟是斛手工價前經許令議定
每石辛力錢五文統計正耗米一百六十餘萬石應
需斛力錢八千餘千文此項若由總局給發竊慮每
日斛手分頭量兌散在各船總局經手之員辨認不
清易致舛錯不如飭令各該縣自行給發仍于經費
內開銷在該縣丁胥人等眼同過斛計米付錢認定

斛米之人卽係領錢之人自不致有所冒濫至於神福犒賞一款計每船需銀十兩內外一俟兩運完竣開銷不下二萬金此款數亦甚鉅似應由各該縣隨同水腳帶赴上海自爲給付卽于酌提數內開銷俾總局內少一項支發卽免一項報銷以歸簡易而省煩瑣等情到司據此合亟據稟飛飭札到該府廳州縣立即遵照趕緊自行預備臨時給發毋得缺誤干咎特札

道光五年十二月初八日札蘇松常鎮太四府一州并所屬

江蘇布政使司賀 爲通飭遵照事案照海運漕糧

案內沙船到津應需絳夫價值一款續據蘇州府等
議稟應按米計算每石酌給制錢四文逐船驗發又
沙船到津卸米後應挖泥壓鈔需用鐵鍬土筐等物
令船戶自爲置辦每船酌給制錢一千文此二款應
于各屬籌備經費銀內發給商船先經本司札飭上
海總局委員李俞二丞督同上海縣籌議詳覆去後
茲據該丞等申稱應給天津絳夫並挖泥壓鈔兩項
錢文自應各該縣隨米同神福犒賞斛手辛力一併
帶交以免兩岐應請通飭有漕各廳州縣隨米帶赴

上海自行給付等情到司據此查前據總局李俞二
丞稟請將應給上海斛手工價並沙船神福犒賞三
款飭令各該縣隨同水腳帶赴上海自爲給付等情
卽經飛札飭遵在案茲據具申前情合再通札各該
府廳州縣立即遵照將應給沙船神福犒賞犒夫價
值挖泥壓鈔並上海斛手工價等項銀錢卽速備齊
隨米一併解赴上海自行分別給付仍于酌提經費
數內開銷並將限解經費如數預解
蘇松太道衙門聽候兌收驗給毋稍違玩致干重咎
特札

道光五年三月十一日札蘇松常鎮太四府一州並
所屬除太湖靖江崇明三廳縣

祖國糾太監謝山崇則三疆糾

幾次立平三民十一日林賴外常齡太四商一風並

江蘇布政使司賀 爲飛札飭查事案照蘇省本年
海運漕糧先經本司親赴上海招雇沙船卽據該商
等遞具情願裝運赴津切結呈送并經本司道會同
出示曉諭於冬三月內全行聚集上海水次受兌新
漕各在案今已臘月中旬前次具攬各船祇有七百
餘隻駛回上海受兌本司訪聞竟有玩法之徒將已
經回棹船隻私往通州海門贛榆等處各口岸剝卸
貨物並有寧波等處奸民將內河貨物運往沿海地
方乘間裝載潛赴關東等處貿易此等商船業蒙

奏奉

上諭裝運漕糧各衙門皆有花名可考如此規避誤公卽應追照究辦地方官失於覺察亦當予以嚴叅合亟飛札飭查札到該廳州縣等立即遵照刻速密赴沿海地方逐細確查如有沙船在境立即押令速赴上海受兌漕糧仍先將現在停泊該境船數及催令出口日期由五百里星飛馳稟敢再稍有膜視任聽書役放縱除將該廳州縣等以誤漕例立予詳請叅奏外並提該船戶從重治罪凜之特札

道光五年十二月十四日札海門廳通州海州江寧縣東臺縣贛榆縣如皋縣泰興縣崇明縣

江蘇布政使司賀 爲據稟札飭密查事據崇明縣

知縣王青蓮稟稱海運漕糧現當喫緊之時業經卑職多撥幹役分派家丁督押四出水陸稽查如有各處沙船到境一概押令駛赴上海聽候兌運並嚴諭海船各保甲實力查察毋許私運客貨上船有卽拏解究辦一面移會營汛分段巡察以免疎縱惟沙船旣非一縣所管而放洋之處有在鄰境地方稽查難周稟懇檄飭海門通州等各廳州縣于沿海各口水陸要隘分布稽查毋許私攬停泊偷越庶得互相禁戢于公事實有裨益等情到司據此合亟札飭札到

該廳州縣等立遵來札及抄稟事理刻速選撥幹役
分派家丁務須不動聲色在於沿海各口水陸要隘
處所嚴密分布稽查毋許私攬停泊偷越仍先將現
在停泊海口沙船共有若干隻開列花名星馳稟報
一面設法催令駛赴上海受兌倘敢飾延卽行據實
稟辦事關海運漕糧毋得藐視致干叅咎特札

道光五年十二月十五日札海門廳通州海州贛榆
縣